

ZAPISNIK

SA SASTANKA MJEŠOVITE KOMISIJE KRALJEVINE ŠPANIJE I BOSNE I HERCEGOVINE ZA DRUMSKI PREVOZ PUTNIKA I ROBE KOJI JE ODRŽAN U MADRIDU DANA 16. I 17. APRILA 2009. GODINE

Na sastanku održanom u Madridu gore navedenog datuma, između delegacije Ministarstva komunikacija i transporta Bosne i Hercegovine i Ministarstva za razvoj Vlade Kraljevine Španije, čiji je sastav u aneksu ovog zapisnika, razmatrani su različiti aspekti bilateralnog drumskog prevoza putnika i robe između dvije zemlje, a prema slijedećem dnevnom redu:

- 1) Razmjena statističkih podataka
- 2) Prevoz putnika
- 3) Prevoz robe
- 4) Usaglašavanje prijedloga Sporazuma o međunarodnom drumskom prevozu putnika i roba
- 5) Razno

1) Razmjena statističkih podataka

Delegacije su razmjenile statističkih podataka vezano za robnu razmjenu između Kraljevine Španije i Bosne i Hercegovine i konstatovan je porast kako uvoza tako i izvoza u međusobnoj razmjeni roba i usluga, i debalans u korist Španije.

Delegacija Bosne i Hercegovine je istakla da su, što se tiče uvoza, najviše zastupljeni keramika, voće i povrće.

2) Prevoz putnika

Obe delegacije su saglasne da privremeno implementiraju, na principu uzajamnog reciprociteta, odredbe iz prednacrta Bilateralnog sporazuma koje se odnose na liberalizovani povremeni prevoz putnika kao i na naizmjenični i redovni prevoz putnika.

Bosanskohercegovačka delegacija je predložila da se prilikom odobravanja redovnih autobuskih linija omogući i uspostavljanje multilateralnih linija, ukoliko isto zatraže prevoznici obe strane.

Španska delegacija je izrazila saglasnost sa navedenim ukoliko zahtjevi udovoljavaju uslovima iz odredaba prednacrta Sporazuma.

3) Prevoz robe

Španska delegacija je izložila da je kontingent predviđen za razmjenu u 2009. godine u iznosu od 500 bilateralnih dozvola za međunarodni prevoz roba. Te dozvole odnose se na bilateralni prevoz, tranzitni, i prevoz ka i od trećih zemalja kao i prazne ulaske.

Bosanskohercegovačka delegacija je predložila potpunu liberalizaciju međunarodnog drumskog prevoza između obe zemlje, ili barem liberalizaciju tranzitnog prevoza.

Međutim, Španska delegacija je iznijela stav da se zadrži sistem kontingenta dozvola.

Bosanskohercegovačka delegacija je potom zahtjevala povećanje postojećeg kontingenta dozvola na 100 godišnjih odobrenja, 500 za treće zemlje i 3000 odobrenja za pojedinačna putovanja.

Što se tiče zahtevanog povećanja kontingenta, Španska delegacija je smatrala zahtjev prevelikim. Iako se na početku razgovora razmatralo povećanje kontingenta na 100 godišnjih dozvola i 300 dodatnih pojedinačnih dozvola, španska strana je naknadno informisala bosanskohercegovačku stranu da ne može izvršiti razmjenu godišnjih dozvola, i da je umjesto toga spremna ponuditi ukupno 500 dodatnih bilateralnih dozvola, čime se ukupan kontigent povećava na 1000 dozvola. Ove dozvole važe od 1. januara tekuće godine do 31. januara slijedeće godine. Period za korištenje tih dozvola biće tri mjeseca od njihovog izdavanja prevozniku. Pored toga Španska delegacija se obavezuje da će bosanskohercegovačkim organima dostaviti dogovoreni dodatni kontingent u roku od najviše 2 mjeseca.

U slučaju da bosanskohercegovačka strana iskaže potrebu za privremenim povećanjem kontingenta dozvola, španska delegacija se obavezala da će razmotriti te zahtjeve i poduzeti sve moguće da im udovolji u najkraćem roku.

4) Konkretizacija prijedloga za Sporazum o međunarodnom drumskom prevozu putnika i roba

Španska delegacija je predložila usaglašavanje bilateralnog Sporazuma o međunarodnom drumskom prevozu, uzimajući kao osnovu za pregovore prednacrt Sporazuma koji se razmatrao na sastanku održanom 15. i 16. aprila 1999. godine u Madridu. Posebno je istaknuta potreba da se u usaglašavanju Sporazuma vodi računa i o normativima ECMT kao i odredbama Sporazuma Interbus čije su potpisnice obe Ugovorne strane.

Tekst prednacrt Sporazuma je usaglašavan kroz razmatranje svakog pojedinog člana i stava u tekstu posebno.

Prednacrt sa ubačenim izmjenama je sastavni dio ovog Zapisnika.

5) Razno

Bosanskohercegovačka delegacija je upoznala špansku delegaciju sa problemom izdavanja viza za vozače, koji predstavlja ozbiljnu barijeru u izvršavanju prijevoza putnika i roba između dvije zemlje, i zamolila da ukoliko je to moguće sa svoje strane utiče na rješavanje ovog problema.

U tom smislu, Španska delegacija je informisala bosanskohercegovačku delegaciju da taj problem nije u nadležnosti ovog ministarstva i da ga treba rješavati sa Španskom ambasadam u Sarajevu koja je nadležni organ po toj materiji.

Sastanak je održan u srdačnoj i pozitivnoj atmosferi i obe delegacije su izrazile želju da se ponovo sastanu u skoroj budućnosti.

Bosanskohercegovačka delegacija je predložila da se slijedeći sastanak Mješovite komisije održi u Bosni i Hercegovini.

Za Delegaciju Bosne i Hercegovine

Za Delegaciju Kraljevine Španije

Potpisano: Mirko Šekara

Potpisano: Carmen Montero Plata

A N E K S 1

DELEGACIJA BOSNE I HERCEGOVINE

Gosp. Mirko Šekara	Ministarstvo komunikacija i transporta BiH Pomoćnik ministra za transport Vođa delegacije
Gosp. Dario Bušić	Ministarstvo komunikacija i transporta BiH Šef odsjeka za drumski i željeznički transport Član delegacije
Gđa. Zorica Plakalović	Ministarstvo komunikacija i transporta BiH Stručni savjetnik za međunarodne ugovore Član delegacije
Gosp. Zijad Sinanović	Vanjskotrgovinska komora BiH Direktor sektora za transport i komunikacije Član delegacije

DELEGACIJA ŠPANIJE

Gđa. Carmen Montero Plata	Ministarstvo za razvoj Španije Generalna uprava za drumski saobraćaj Vođa delegacije
Gđa. Araceli Sanz Fernandez	Ministarstvo za razvoj Španije Generalna uprava za drumski saobraćaj Član delegacije
Gđa. Elena C. Sancho Gómez	Ministarstvo za razvoj Španije Generalna uprava za drumski saobraćaj Član delegacije
Gđa. Elena Chamón Cid	Ministarstvo za razvoj Španije Generalna poduprava za međunarodne odnose Član delegacije
Gđa. Luz Elena Sanchez	Ministarstvo vanjskih poslova Španije Član delegacije
Gosp. Jose Manuel Pardo	predstavnik udruženja prevoznika A.S.T.I.C

Prevodioc: Gđa Maritsa Kosanovitch